

## **Paasissutissat kattunermik pisariitsumik nalunaaruteqarnermi atugassat**

### **1. Kattunermik allaaserinninneq**

**1.1.** Inatsisartut inatsisaanni nr. 1, 15. maj 2014-imeersumi § 16, imm. 1-3 naapertorlugu kikkut kattunnersut, kattunnerup suunera kattuttullu ingerlatsiveqarfii allallugit kattunneq naatsumik allaaseriuk. Aamma niuerfinnut sorlernut kattunnerup sunniuteqarnissaa paasissutissiissutigiuk.

**1. 2.** Paasissutissat qulaaniittut pillugit avammut saqqummiunneqarsinnaanngorlugit oqaatsit annerpamik 500-t atorlugit takussutissiiget, taakku paasissutissat isertuussat niuernermiluunniit isertuussat ilanngunnagit. Allaaserinninneq taanna Atuisoqarnermut Unammilleqatigiinnermullu Aqutsisoqarfip piffissami nalunaaruteqarfiusumi kattunermik tamanut saqqummiussineranut aallaaviussaaq.

### **2. Peqataasut pillugit paasissutissat**

#### **2.1. Nalunaarutiginnittooq pillugu paasissutissat**

Peqataasoq(ut) nalunaaruteqartoq(tut) pillugu(it) paasissutissiineq:

- a) Suliffeqarfip aqqa najugaalu
- b) Suliffeqarfip ingerlatai suunersut (tassa tunisassiat sullissinerilluunniit ataatsimoortut suliffeqarfip pilersitai, pisiarisai tuniniagaaluunniit). Aamma ingerlatsisuuusut kattunermi ilaangngitsut paasissutissutigineqassapput.
- c) Inuup attaveqarfip aqqa atorfialu, najugaa, oqarasuaatikkut normua e-mailialu
- d) Najugaq allagaatinik uppernarsaatinik nassitsiviusinnaasoq, tassunga ilanngullugit aalajangiinerit aamma Unammilleqatigiinnermut Ataatsimiititaliap aamma Atuisoqarnermut Unammilleqatigiinnermullu Aqutsisoqarfip aalajangiineri.

#### **2.2. Kattunermi peqataasut allat pillugit paasissutissat**

Nalunaaruteqartup saniatigut kattunermi peqataasut allat ataasiakkaat pillugit paasissutissiissutigineqartut:

- a) Suliffeqarfip aqqa najugaalu.
- b) Kattunermi peqataasut ingerlataat.
- c) Inuup attaveqarfiusartup aqqa atorfialu, najugaa, oqarasuaatikkut normua e-mailialu

#### **2.3 Sinniisut pillugit paasissutissat.**

Nalunaarut suliffeqarfiiit sinniisuit atsiorneqarpat, kattunermi peqataasoq sorleq taassuma sinniisuufigineraa ilanngullugu sinniisut ataasiakkaat aqqi, najugaat, oqarasuaatikkut normui e-maililu ilisimatitsissutigineqassapput.

### **3. Unammilleqatigiinnermut oqartussanut allanut nalunaaruteqarneq**

Kattunneq unammilleqatigiinnermut oqartussanut allanut nalunaarutigineqarpat nalunaarutigineqartussaappalluunniit, unammilleqatigiinnermi oqartussat aqqi immaqalu inuk attaveqarfissaq allallugit ilisimatitsissutigineqassapput.

#### **4. Kattunneq nammineq pillugu paasissutissat**

##### **4.1. Kattunneq uku allallugit nalunaarutigiuk:**

- a) Suliffeqarfiiit marluk arlallilluunniit maannamut nammineertut kattullugit, suliffeqarfimmik ataatsimik arlalinnilluunniit tamanik ilaannilluunniit toqqaannartumik toqqaannangitsumilluunniit oqartussaalerluni pisilluni, joint venturetut nammineerluni ingerlasumik pilersitsilluni kattunnerunersoq imaluunniit kattunneq unammilleqatigiinneq pillugu inatsimmi § 16, imm. 3 naapertorlugu suliffeqarfimmik ingerlatsinermi aalajangiisuulluni sunniuteqarnermik allatigut kinguneqassanersoq.
- b) Pisussat pingaaruteqartut kattunnerup piviusunngortinnissaanut kinguneqartussat pilersaarutigineqartut piffissalluunniit ilimagineqartut.
- c) Kattunnerup kingorna piginnittuunermi oqartussaanermilu pissutit pilersaarutigineqartut.
- d) Kattunnerup nalinga (pisinermi akeq imaluunniit peqataasut tamarmik ingerlatsinerisa nalingi).
- e) Qitiusumik ilinniarfiit soorliit (GB200(o imaluunniit3)-isissutilluunniit katusseqatigiinnermut ilaappat.

##### **4.2. Kattunnermi aningaasaqarnermi tunngavik ilisimatitsissutigiuk.**

#### **5. Aningaasaqarneq pillugu paasissutissat**

Suliffeqarfiiit peqataasut ataasiakkaat pillugit ukiumi naatsorsuusiorfiusumi kingulermi DKK-nngorlugit ilisimatitsissutigikkit:

- a) Kalaallit Nunaanni kaaviiartitat.
- b) Nunarsuarmi tamarmi kaaviiartitat.

#### **6. Piginnittuunermi oqaassisqaqarnermilu pissutsit**

Kattunnermi peqataasut tamarmik suliffeqarfimmik ataatsimiittunik allattuivimmi nalunaarutigineqassapput. Allattuivimmi tassani ilanngunneqassapput:

- a) Suliffeqarfiiit inuilluunniit tamarmik kattunnermi peqataasunut toqqaannartumik toqqaannangitsumilluunniit oqartussaasut.
- b) Suliffeqarfiiit tamarmik, niuerfinni immikkoortuni 7.1-imí aamma 7.2-mi ataanit paasissutissiissutigineqartut ilaanni ataatsimi ingerlatsisut kiisalu toqqaannartumik toqqaannangitsumilluunniit ukuninnga oqartussaaffigineqartut:
  - 1) Kattunnermi peqataasumit ataatsimit arlalinnilluunniit.
  - 2) Suliffeqarfinit allanit litra a-mi taaneqartunit.

Suliffeqarfiiit ataasiakkaat qulaani allassimasut pillugit oqartussaanerit qanoq ittut pineqarnersut immikkoortualunngorlugit nalunaarutigineqassapput.

#### **7. Niuerfiit**

Tunisassianik niuerfik niuerfiilluunniit pineqartut aamma nunap ilaani niuerfimmi

## **Ilanngussaq 2**

niuerfinniluunniit pineqartut suliffeqarfiup nutaap kattunnerup kingorna niuernermi qanoq annertutigisumik ingerlatsineranik nalilersuinermut tunngaviliisut.

Niuerfinnik killiliineq unammileqatigiinneq pillugu inatsimmi § 5-imi allaqqapput.

Niuerfiit pineqartut pillugit paasissutissat nassuaatit uku tunngavigalugit nalunaaruteqartumit paasissutissutigineqassapput:

### *Tunisassianik niuerfiit pineqartut*

Tunisassianik niuerfiit pineqartut imatut paasineqassapput nioqququtissanik aamma/imaluunniit sullissutinik pisinnaasaat, akit sumullu atorneqarsinnaaneri pissutigalugit imminnut taarsiunneqarsinnaasutut atuisumit isigineqartut. Tunisassianik niuerfimmi pineqartumi ilaatigut nioqququtissat aamma/imaluunniit sullississutit arlaliusinnaapput namminneq teknikkikkulluunniit pisinnaasaat annertuumik assigiittut imminnullu taarsiunneqarsinnaasut. Pissutsit ilaat tunisassianik niuerfimmik pineqartumik nalilersuinermi pingaaruteqartoq tassaavoq, nioqququtissap sullississutilluunniit pineqartup assersuutigalugu imminnut taarsiunneqarsinnaanerat, unammillernermi atugassaritinneqartut, akit, nioqququtissanik sullississutinilluunniit ujartuinermi akiisa allanngorarsinnaassusiat pissutsilluunniit allat tunisassianik niuerfimmik killilersuinermut pingaaruteqartut (assersuutigalugu neqeroorutigisat imminnut taarsiunneqarsinnaassut).

### *Nunap ilaani niuerfiit pineqartut*

Nunap ilaani niuerfiit imatut paasineqassapput sumiiffiit suliffeqarfiit peqataasut nioqququtissanik sullississutinillu pineqartunik neqerooruteqarfigisaat ujartuiffigisaallu, tassani unammilleqatigiinnermi atugassaritinneqartut naammattumik assigiiarlutik kiisalu pingartumik nunap ilaani killilikkami unammilleqatigiinnermi atugassaritinneqartut annertuumik assigiinnginnerat pissutigalugu nunap tassanngaanniit immikkoortinneqarsinnaalluni.

Pissutsit niuerfimmik pineqartumik nalilersuinermut pingaaruteqartut tassaapput nioqququtissap sullississutilluunniit pineqartup suunera pisinnaasaalu, ingerlataqarnissamut aporfiiit, atuisut piumanerusaat, suliffeqarfiit tassani nunalluunniit ilaani saniliani niuernermit tamarmiusumit niuerutaasa annertuumik assigiinnginnerat akilluunniit annertuumik assigiinnginnerat.

### **7.1. Tunisassianik niuerfiit nunallu ilaani niuerfiit ilaasut tamaasa paasissutissutigikkit,**

**tassani**

- a) kattunnermi peqataasut marluk arlallilluunniit niuerfimmi ataatsimi ingerlataqarlutik (sanileriissillugit assigiinnut attaveqaatit), aamma/imaluunniit
- b) kattunnermi peqataasoq ataaseq arlallilluunniit niuerfimmut kattunnermi peqataasup allap arlallilluunniit ingerlatsivissaannut tunngatillugu siusinnerusukkut kingusinnerusukkulluunniit kaaviaartitsinermi niuerfimmi ingerlatsisut, taakku akornanni pilersuisutut/pisisartutut atassuteqarnerat apeqqutaatinnagu (qummut killileriigaanngitsut)

## **8. Niuerfiit pillugit paasissutissat**

**8.1.** Niuerfiit immikkut tamaasa qulaani immikkoortuni 7.1-imi paasissutissiissutigineqartut pillugit kattunnerup siuliani ukiumoortumik naatsorsuutinit uku paasissutissiissutigineqassapput:

- a) Nalingi annertussusaalu taakku qanoq missingerneqarsimanerat ilanngullugu niuerfimmi katillugit kaaviiartitanik missingiineq, taakku qanoq missingiilluni nalilerneqarsimanerannut uppernarsaat ilanngullugu.
- b) Kattunermi peqataasut kaaviiartitaasa nalingi annertussusaallu uuttorlugit kiisalu ukiuni kingullerni pingasuni ukiumoortumik naatsorsuutini tuniniaanermi niuerfimmilu ingerlatat annertuumik allannguuteqarsimanersut nalunaarlugit tuniniaaviup ilaa tigummisamik missingiineq.
- c) Unammillertit anginerit pingasut tuniniaaviup ilaani tigummisaannik nalinginik annertussusaannillu missingiineq, taakkuninnga missingiinermi tunngavik paasissutissiissutigalugu. Aqqi, najugaat, e-mailii oqarasuaatikkullu normui ilisimatitsissutigikkit. Niuerfimmi ataatsimi unammillertut pingasunit ikinneruppata, taakku pillugit paasissutissiisoqassaaq.
- d) Niuerfimmi pineqartumi sunik sullissinissamik isumaqatigiissuteqarnersoq, sullissinissamik isumaqatigiissutit niuerfimmi qanoq pisariaqartinneqartiginersut aamma niuerfimmi eqqaaniittumi, tunissassiassatigut nunallu ilaani, niuerfik sullissinissamut isumaqatigiissutitigut sunnerneqarnersoq ilisimatitsissutigiuk.

Nalingi danskit koruuninngorlugit ilisimatitsissutigineqassapput annertussusaalu immikkoortut amerlassusaattut ilisimatitsissutigineqassaaq. Taamaalilluni niuerfimmi nalinga annertussusaalu imatut ilisimatitsissutigineqartariaqarpoq nunap ilaani pineqartumi tunissiorneq avammut tuniniaaneq ilanngaatigalugu nioqqtissanillu eqqussuineq ilanngullugu takutinnejassaaq.

**8.2.** Aamma kattunermi peqataasut niuerfinni tamani immikkoortoq 7.1-imi ilisimatitsissutigineqartumi pisisartuisa anginerit pingasut pilersuisuisalu anginerit pingasut aqqi, najugaat, e-mailii oqarasuaatikkullu normui paasissutissiissutigikkit. Niuerfimmi ataatsimi pisisartut pingasunik pilersuisulluunniit pingasunik ikinneruppata pisisartut aamma/imaluunniit pilersuisut pillugit paasissutissiisoqassaaq.

## **9. Joint venturet eqqarsaatigalugit ataatsimut aaqqiissuteqarnermi pissutsit**

Unammilleqatigiinneq pillugu inatsimmi § 19, imm. 3-mi ersippoq joint venturemik pilersitsinermi § 16, imm. 2 malillugu kattunnerusumi suliffeqarfiiit unammilleqatigiinneranni suliffeqarfittut suli nammineernissaasa ataatsimut aaqqiissutiginissa aamma siunertaasoq taassumaluunniit kingunerissagaa, iliuuseqarnerup akuerineqarsinnaanera paasiniarlugu § 6, imm. 1-imi aamma § 8, imm. 1-imi tunngaviit malillugit ataatsimut aaqqiineq nalilersorneqassaaq.

Kattunneq unammilleqatigiinneq pillugu inatsimmi § 16, imm. 2 naapertorlugu joint

## **Ilanngussaq 2**

ventureuppat ilisimatitsissutigineqassapput:

- a) Suliffeqarfiiit pilersitsisut marluk arlallilluunniit joint venturetut niuerfimmi ataatsimi imaluunniit niuerfimmi eqqaaniittumi tassunga assingusumut tunngatillugu siusinnerusukkut kingusinnerusukkulluunniit kaaviiartitsinermi ingerlatat niuerfimmi tessani annertunerusumik piginnaassaneraat<sup>1</sup>

Taamaattoqarpat niuerfiit ataasiakkaat pillugit ilisimatitsissutigineqassapput:

- 1) Suliffeqarfiiit pilersitsisut immikkut tamarmik ukiup suliani naatsorsuusiorfimmi kaaviiartitaat.
- 2) Kaaviiartitanut tunngatillugu joint venturep ingerlatsinerata aningaasaqarnermut pingaaruteqassusia.
- 3) Suliffeqarfiiit pilersitsisut immikkut tamarmik niuerfimmi ingerlataat.  
Taamaattoqanngippat akissut tunngavilersorneqassaaq.
- a) Litra a-mi akissut aappiuppat, joint venturemillu pilersitsineq nalunaaruteqartup naliliinera malillugu suliffeqarfiiit nammieertut akornanni ataatsimut aaqqissuussinerat unammilleqatigiinneq pillugu inatsimmi § 6, imm. 1 malillugu unammilleqatigiinnermik killiliinermik kinguneqanngippat akissut tunngavilersorneqassaaq.
- b) Litra a-mi b-milu akissutit apeqquataatinnagit unammilleqatigiinnermi inatsimmi § 8, imm. 1-imi tunngaviit qanoq atorneqarnersut ilisimatitsissutigineqassaaq.  
Tamassumunnga tunngaviit tassaapput, iliuuseqarnermi:

- 1) Nioqqutissanik sullississutinilluunniit pilersitsinermi siaruarterinermiluunniit pisariillisaanermik pitsanngorsaanermut tapersiinersoq imaluunniit tamanna teknikimik aningaasaqarnermilluunniit ineriertortitsinermik siuarsaannersoq,
- 2) atuisut tamassuma naammaginartumik iluaqtissaat qulakkeerneqarnersut,
- 3) anguniakkat taakku angunissaannut pisariaqanngitsunik suliffeqarfiiit killilersorneqarnersut, aamma
- 4) nioqqutissat sullississutilluunniit pineqartut annertunersaat unammilleqatigiissutiginissaannik pinngitsoortinnissamut suliffeqarfiiit periarfissaarutsinneqarnersut.

## **10. Akitsuutit**

Nalunaarutip nassiunneqarneranut peqatigitillugu akitsuutit 50.000 kr.-t Atuisoqarnermut Unammilleqatigiinnermullu Aqutsisoqarfiiup kontuanut akilerneqassapput: reg. Nr.: 6471 konto nr. 1639061

## **11. Ilanngussat**

## **Ilanngussaq 2**

Nalunaaruteqarnermi uku ilanngullugit nassiunneqassapput:<sup>1</sup>

- a) Kattunnermi peqataasut tamarmik immikkut ukiumoortumik naatsorsuutaat aamma ukiumoortumik nalunaarutaat kukkunersiorneqarsimasut kingulliit. Ukiumoortumik naatsorsuutit kingulliit naammassereerneranni suliffeqarfimmik tunisisoqarsimappat pisisoqarsimappalluunniit, tamassumunnga uppernarsaat ilanngunneqassaaq.
- b) Kattunnermi peqataasut akornanni isumaqatigiissut, oqartussaalluni soqutigisanik pissarsineq imaluunniit pisortat tigusinissamik neqerooruteqarnerat naapertorlugu tamanna pisimanersoq apeqqutaatinagu kattunneq pillugu inaarutaasumik uppernarsaatit kingulliilluunniit tamarmik assilineri.
- c) Kattunnermi peqataasunut ataasiakkaanut suliffeqarfissuarmik takussutissiaq.
- d) Nalunaarutip assinga isertuussaanngitsoq.
- e) Akitsuutip akilerneqarsimaneranut uppernarsaat, tak. imm. 10 (assersuutigalugu Atuisoqarnermut Unammilleqatigiinnermullu Aqtsisoqarfiup kontuanut aningaaserivikkut akiliinerup assilinera).

### **12. Nalunaarut**

Nalunaarut atsiorsimasoq immikkoortut 1-10 naapertorlugit paasissutissanut ilanngullugu nassiunneqassaaq, tassani nalunaaruteqartoq nalunaassaaq:

- nalunaarummi paasissutissat eqqortuuusut,
- uppernarsaatit ilanngussaq 2-mi piumasarineqartut assilineri tamakkiisut ilanngunneqartut, kiisalu
- oqaaseqaatit tamarmik tutsuiginilluni oqaaseqaatigineqartut.

Nalunaarut suliffeqarfimmit peqataasumit allaanerusumit nalunaarutigineqarpat, paasissutissat il.il. suliffeqarfiiit peqataasut tamaasa sinnerlugit paasissutissiissutigineqarneri atsiortup akisussaaffigissavaa. Ataani atsiortoq suliffeqarfiillu nalunaaruteqartut tamarmik unammilleqatigiinneq pillugu Inatsisartut inatsisaanni nr. 1, 15. maj 2014-meersumi §§ 37-imi aamma 38-mi pillaasarnerit pillugit aalajangersakkat ilisimavaat.

---

<sup>1</sup> Tunisassianik niuerfittut assiingajassapput tunisassiat imminnut tapersersinnaappata, tassa assersuutigalugu tunisassiaq ataaseq tunisassiap allap atorneqarnissaanik kinguneqarpat (assersuutigalugu kakkersaat kakkersatissallu imaluunniit printeri printerpatronillu) imaluunniit tunisassianut atuuffissaannut assigiimmut pisisartunit assigiinnit pisariaqartarpata (assersuutigalugu whisky ginilu, imerniartarfinnut neriniartarfinnullu tunineqartartut imaluunniit niueqqutissanik aalajangersimasunik taakkuninnga tunisassiotartunut tunineqartartunut poortutissanut atortut assigiingngitsut.)

**Ilanngussaq 2**

**Sumiiffik ullorlu**

**Sumiiffik ullorlu**

**Sumiiffik ullorlu**

---

**Atsiorneq**

**Atsiorneq**

**Atsiorneq**